



Nimewo Social Security pou Moun ki pa Sitwayen

Ki sa ki andedan

Èske yon moun ki pa sitwayen bezwen yon nimewo Social Security (SSN, akwonim ann Anglè)?	1
Ki jan Mwen kapab jwenn yon nimewo ak yon kat Social Security?	2
Kisa Mwen bezwen bay nan biwo Social Security a?	2
Kilè Mwen dwe aplike?	3
Konbyen sa ap koute pou mwen mande yon nimewo ak yon kat Social Security?	3
E si Mwen bezwen yon nimewo pou lòt rezon ki pa gen rapò ak travay?	3
Kontakte nou	4

Èske yon moun ki pa sitwayen bezwen yon nimewo Social Security (SSN, akwonim ann Anglè)?

Petèt ou gendwa pa bezwen yon nimewo Social Security, amwenske ou pa yon sitwayen epi ou vle travay Ozetazini.

An jeneral, se sèl moun ki pa sitwayen epi ki jwenn otorizasyon ann men Department of Homeland Security a pou travay Ozetazini (DHS, akwonim ann Anglè), ki kapab gen yon nimewo Social Security. Yo itilize nimewo Social Security yo pou rapòte salè yon moun nan gouvènman an touche, epi pou detèmine elijiblite pou yon seri avantaj Social Security.

Ou bezwen yon nimewo Social Security pou ou travay, pou ou jwenn avantaj Social Security, epi pou jwenn lòt sèvis gouvènman an bay.

Moun ki pa sitwayen epi ki gen otorizasyon legal yo kapab jwenn anpil avantaj ak sèvis san yon nimewo Social Security. Ou pa bezwen yon nimewo pou ou gen lisans chofè, pou ou enskri lekòl, jwenn asirans sante prive, oswa aplike pou pwogram kantin eskolè oswa sibvansyon pou lojman.

Gen kèk òganizasyon ki itilite nimewo Social Security yo pou idantifye ou nan dosye yo. Sepandan, si ou mande sa, pifò ap itilize lòt mwayen pou idantifye ou.

Nou pa kapab ba ou yon nimewo Social Security senpleman pou ou jwenn yon lisans chofè oswa pou ou jwenn yon sèvis ki egzije yon kontwòl kredi.

Aktout anpil konpayi, tankou bank ak konpayi kredi yo, kapab mande ou nimewo Social Security ou, an jeneral, ou pa oblije bay youn si ou pa genyen.

Ki jan Mwen kapab jwenn yon nimewo ak yon kat Social Security?

Si ou se yon imigran, ou kapab aplike de (2) fason:

- Ou kapab fè demann lan depi nan peyi kote ou soti a anvan ou vin Ozetazini lè ou depoze yon demann pou yon viza imigran nan U.S. Department of State la. Nan prèske tout ka yo, si ou fè demann yon nimewo ak yon kat Social Security ansanm ak demann viza imigran ou an, ou pa bezwen ale nan yon biwo Social Security Ozetazini. (Pou plis enfòmasyon, ale sou www.ssa.gov/ssnvisa, li disponib sèlman ann Anglè).
- Si ou prezan legalman Ozetazini, ou dwe kontakte biwo Social Security ki nan zòn ou an. (Gade seksyon ki anba a pou ou konnen kisa ou dwe soumèt nan biwo Social Security a).

Si ou pa yon imigran, ou kapab aplike de (2) fason selon estati viza ou genyen an:

- Si ou prezan legalman Ozetazini epi ou vle mande otorizasyon pou travay oswa pou gen estati rezidan pèmanan legal nan DHS, U.S. Citizenship and Immigration Services (USCIS, akwonim ann Anglè), ou kapab mande yon nimewo oswa yon kat ranplasman Social Security. Sa kapab fèt nan menm Fòm aplikasyon USCIS la I-765 (*Application for Employment Authorization [Demann Otorizasyon pou Travay]*), oswa grasa Fòm I-485 la (*Application for Lawful Permanent Residency or to Adjust Status [Demann pou Rezidan Pèmanan Legal oswa*

pou Ajiste Estati]). (Pou plis enfòmasyon, ale sou www.ssa.gov/ssnvisa, li disponib ann Anglè sèlman).

- Si ou prezan legalman Ozetazini epi estati viza ou pèmèt ou travay, donk, ou dwe kontakte biwo Social Security ki nan zòn ou an pou ou fè demann lan.

Kisa Mwen bezwen bay nan biwo Social Security a?

Ou dwe bay prèv idantite ou ak estati imigrasyon ki otorize ou travay.

Pou bay prèv idantite ou ak estati imigrasyon ki otorize ou travay, montre dokiman aktyèl imigrasyon Ozetazini ou a ak paspò etranje ou ki pa ekspire. Nan dokiman imigrasyon ki akseptab ou dwe bay yo, gen:

- Fòm I-551 (Lawful Permanent Resident Card, Machine-Readable Immigrant Visa [Kat Rezidan Pèmanan Legal, Viza Imigran ki Kapab Li nan Machin]).
- Tenb admisyon ki montre yon kategori admisyon ki gen otorizasyon travay.
- Fòm I-94 (*Arrival/Departure Record [Dosye Arive/Depa]*).
- Fòm I-766 (*Employment Authorization Document/EAD [Dokiman Otorizasyon Travay/EAD]*).

Echanj vizitè yo: Si ou nan yon echanj vizitè J-1 oswa J-2, nou dwe verifye DS-2019, *Certificate of Eligibility for Exchange Visitor Status or EAD (Sètifika Elijiblite pou Estati Echanj Vizitè oswa EAD)* ou a tou. Si ou se yon etidyan J-1, yon etidyan entèn, oswa yon vizitè entènasyonal, ou dwe bay yon lèt esponnsò ou a voye. Lèt la dwe ekri nan papye antèt esponnsò a epi li dwe gen yon siyati orijinal ki otorize ou travay.

Etidyan entènasyonal yo: Si ou se yon etidyan F-1 oswa M-1, nou bezwen verifye Fòm I-20, *Certificate of Eligibility for Nonimmigrant*

Student Status or Designated School Official (DSO) letter (Sètifika Elijiblite pou Estati Etidyan ki Pa Imigran oswa lèt Responsab Lekòl ki Deziyen (DSO)) ou a. Pou ou jwenn enfòmasyon sou lòt dokiman etidyan yo dwe bay, li *International Students and Social Security Numbers* (Publication No. 05-10181) (*Etidyan Entènasyonal ak Nimewo Sekirite Sosyal yo* (Piblikasyon Nimewo 05-10181)) an.

Ou bezwen bay prèv laj ou.

Ou dwe prezante sètifika nesans etranje ou si ou genyen li oswa si ou kapab jwenn li nan espas 10 jou travay. Si ou pa kapab, nou kapab konsidere lòt dokiman, tankou paspò ou ki pa ekspire oswa yon dokiman DHS bay, kòm prèv pou laj ou.

Ou bezwen fin ranpli yon demann.

Ou ap bezwen fin ranpli yon *Application for a Social Security Card* (Form SS-5) (*Demann pou yon Kat Sekirite Sosyal*).

Enpòtan: Tout dokiman yo dwe se dokiman orijinal oswa kopi ki sètifye nan ajans ki bay yo a. Nou pa kapab aksepte fotokopi oswa kopi notarye pou dokiman yo. Epi tou, nou pa kapab aksepte yon resi ki montre ou aplike pou dokiman an.

Nou kapab itilize yon dokiman pou de (2) objektif. Pa egzanp, nou kapab itilize DHS EAD ou a kòm prèv pou idantite ou epi pou estati imigrasyon ki otorize ou travay. Sètifika nesans oswa paspò kapab sèvi kòm prèv pou laj. **Sepandan, ou dwe bay omwen de (2) dokiman separe.**

Kilè Mwen dwe aplike?

Si ou pa kapab itilize youn nan fòm nou site anwo a pou ou aplike, nou rekòmande ou ret tann 10 jou apre ou fin rive Ozetazini pou ou mande yon nimewo Social Security, pou pèmèt

li pi fasil pou nou verifye dokiman DHS anliy ou yo. Sa ap pèmèt pwosesis pou trete demann nimewo Social Security ou a fèt pi rapid.

Nou ap voye kat nimewo Social Security ou a pa lapòs apre nou fin jwenn tout enfòmasyon ou yo epi nou fin verifye dokiman ou yo nan biwo ki voye yo a.

Konbyen sa ap koute pou mwen mande yon nimewo ak yon kat Social Security?

Li gratis pou ou mande yon nimewo ak yon kat Social Security.

E si Mwen bezwen yon nimewo pou lòt rezon ki pa gen rapò ak travay?

Si DHS pa ba ou otorizasyon pou ou travay Ozetazini, ou kapab gen yon nimewo Social Security sèlman si ou kapab bay prèv ou bezwen li pou yon rezon valab ki pa gen rapò ak travay. Pa egzanp, sa kapab rive si yon lwa Eta a oswa yon lwa federal egzije ou gen yon nimewo Social Security pou ou jwenn yon seri avantaj ou deja gen dwa pou ou jwenn.

Si ou bezwen yon nimewo pou objektif ki gen rapò ak taks, epi ou pa gen otorizasyon pou ou travay Ozetazini, ou kapab mande yon *Individual Taxpayer Identification Number* (*Nimewo Idantifikasyon Kontribyab*) nan Internal Revenue Service (IRS, akwonim ann Anglè). Vizite IRS an pèsòn, oswa rele nimewo gratis IRS la, **1-800-TAXFORM (1-800-829-3676)**, epi mande Form W-7, *Application For An Individual Taxpayer Identification Number* (*Demann Pou Yon Nimewo Idantifikasyon Kontribyab*).

Si yon ajans komèsyal oswa gouvènman mande ou yon nimewo Social Security epi ou pa gen otorizasyon pou ou travay Ozetazini, mande si yo kapab idantifye ou yon lòt fason. Nan pifò ka, ou ap kapab jwenn sèvis oswa lisans ou bezwen an san yon nimewo Social Security.

Kontakte nou

Gen plizyè fason pou ou kontakte nou, tankou anliy, nan telefòn, epi fasafas. Nou la pou nou reponn kesyon ou yo epi pou nou sèvi ou. Social Security gen plis pase 85 lane depi li ap ede plizyè milyon moun asire jodi ak demen yo, lè li pèmèt yo jwenn avantaj ak pwoteksyon finansyè pandan tout lavi yo.

Ale sou sit entènèt nou an

Fason ki pi pratik pou ou fè aktivite ki lye ak Social Security, se anliy nan www.ssa.gov (disponib ann Anglè ak Espanyòl). Ou kapab akonpli anpil bagay. Gen kèk nan sèvis sa yo ki disponib ann Anglè sèlman. Pou ede ou fè aktivite ki lye ak Social Security,

- Aplike pou Extra Help with Medicare prescription drug plan costs (Èd Siplematè ak plan depans pou medikaman sou preskripsyon Medicare) (disponib ann Anglè sèlman).
- Aplike pou pifò kalite avantaj yo (disponib ann Anglè sèlman).
- Jwenn kopi piblikasyon nou yo (disponib nan plizyè lang).
- Jwenn repons pou kesyon moun poze souvan yo (disponib ann Anglè ak Espanyòl).

Lè ou kreye yon kont *my* Social Security, (disponib ann Anglè sèlman), ou kapab menm fè plis.

- Verifye *Social Security Statement* ou a (Deklarasyon Sekirite Sosyal).
- Verifye salè ou.
- Jwenn estimasyon pou avantaj yo pi devan.
- Enprime yon lèt verifikasyon avantaj.
- Chanje enfòmasyon sou depo dirèk ou.
- Mande yon kat Medicare ranplasman.

- Jwenn yon ranplasman SSA-1099/1042S.
- Mande yon kat Social Security ranplasman, si ou pa gen okenn chanjman epi Eta ou a ap patisipe.

Aksè nan kont pèsònèl *my* Social Security ou a kapab limite pou itilizatè ki pa Ozetazini.

Rele nou

Si ou pa kapab itilize sèvis anliy nou yo, nou kapab ede ou pa telefòn lè ou rele biwo Social Security nan zòn ou an oswa Nimewo Nasyonal gratis 800 nou an. Nou bay sèvis entèprèt gratis sou demann. Ou kapab jwenn enfòmasyon sou biwo ki nan zòn ou an lè ou antre Kòd postal ou nan paj entènèt lokalizasyon biwo nou yo (aktout lokalizasyon biwo nan zòn nan disponib ann Anglè sèlman, ou kapab antre kòd postal ou pou ou jwenn biwo nan zòn ki pi pre a).

Ou kapab rele nou nan **1-800-772-1213** — oswa nan nimewo TTY nou an, **1-800-325-0778**, si ou soud oswa ou pa tande byen — ant 8:00 a.m. – 7:00 p.m., Lendi rive Vandredi.

An jeneral, tan ou ap tann pou pale ak yon reprezantan Social Security pi kout lè Mèkredi rive Vandredi oswa pi ta nan jounen an. Pou ou jwenn sèvis entèprèt gratis nou an, rete sou liy lan epi fè silans pandan mesaj vokal otomatik ann Anglè yo, jiskaske yon reprezantan Social Security reponn ou. Reprezantan Social Security a ap kontakte yon entèprèt pou ede ou nan apèl la.

Epitou, nou ofri anpil sèvis telefòn otomatik ann Anglè ak Espanyòl, ki disponib 24 èdtan pa jou, yon fason pou ou pa bezwen pale ak yon reprezantan Social Security.

Si ou gen dokiman nou bezwen verifye, pa bliye dokiman yo dwe se orijinal oswa kopi ki sètifye nan ajans ki bay yo a.



Securing today
and tomorrow

Social Security Administration

Publication No. HC-05-10096

August 2022 (September 2021 edition may be used)

Nimewo Social Security pou Moun ki pa Sitwayen

Social Security Numbers for Noncitizens

Produced at U.S. taxpayer expense

Yo pwodui epi yo pibliye li ak lajan taks kontribyab Ameriken yo